



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1581 usque ad annum 1589

Fleury, Claude

August. Vind. [u.a.], 1772

VD18 90118650

§. 12. Franciscus Forerius vita functus.

[urn:nbn:de:hbz:466:1-67246](https://nbn-resolving.org/urn:nbn:de:hbz:466:1-67246)

Sæcul. XVI. commentariis in Judith, & epistolam
 A.C. 1587. ad Hebræos Coloniensibus literis excu-
 sa prodiit.

§. XII.

Franciscus Forerius vita fundus.

*Erhard de
 Script. Ord.
 Prædicat.
 t. 2. p. 261.*

Alius quidam Scriptor nomine Fran-
 ciscus Forerius Ulyssiponensis ex
 Ordine Fratrum Prædicatorum hoc an-
 no die decima Januarii mortalitatem
 exiit. Hic non modo sub Angeli Ca-
 ninii Magisterio plenam Hebraici idio-
 matis cognitionem acquisivit, sed etiam
 latinæ, græcæque linguæ peritia ex-
 celluit, atque a Joanne III. Lusitanæ
 Rege Parisios studiorum causa missus,
 inde redux Cratensem Priorem literis
 imbuere jubebatur, demum vero ejus-
 dem Regis Theologus ad Tridentinam
 Synodum decretus, ibidem prima Ad-
 ventus dominica die Anno Incarnatio-
 nis Dominicæ millesimo quingentesimo
 sexagesimo secundo sermonem typis po-
 stea impressum habuit, porro jam aliun-
 de suorum sermonum eloquentia tan-
 tam sibi comparavit famam, ut a Syno-
 di Patribus semel quavis hebdomoda in
 ipsorum præsentia concionem habere ro-
 garetur, atque ab illis sæpius Romam de-
 cerneretur, quatenus circa Synodi ne-
 gotia cum Pontifice conferret: eo autem
 tempore, quo Venetiis morabatur, ex
 hebraico

hebraico textu Isaiaë Prophetæ versio-
nem unacum commentario concinna-
bat, cujus operis excellentia jacturam
illorum commentariorum, quos in ce-
teros Prophetas, Jobum, & Psalmos
elucubrabat, vix tolerandam reddit,
ac nonnisi ingens desiderium reli-
quit (*). Insuper eidem adscribitur præ-
fatio, quæ librorum prohibitorum in-
dici jussu Tridentini Concilii edito
præfixa fuit, ac Romæ anno post Chri-
stum natum millesimo quingentesimo
sexagesimo quarto typis impressa prod-
iit. Hic idem Scriptor cum aliis tri-
bus Theologis a Synodo deputabatur,
ut Catechismum anno a Virgineo partu
millesimo quingentesimo sexagesimo sex-
to typis editum conficeret: præterea
eidem Missale, & Breviarium Roma-
num expurgandi cura demandabatur,
quamvis huic operi manum admovere
præpediretur, revocatus a Lusitanæ
Rege, ubi redux Ulyssipone Fratrum
Prædicatorum Prior nominabatur, ac
postea supremus hujus Provinciæ Mo-
derator anno Redemptionis nostræ mil-
lesimo

li 5

lesimo

(*) Hi commentarii, cum aliquando For-
rerii cella fortuito igne conflagraret, una
omnes excepto commentario in Jobum perie-
re, ita testatur Sousa Hist. Prov. Portug.
part. 3. p. 494.

Sæcul. XVI.
A.C. 1587.

Sæcul. XVI. lesimo quingentesimo sexagesimo octavo
 A C. 1587. electus, expleto officii sui tempore Con-
 ventum Almadæ erexit, eoque sece-
 dens vitæ suæ finem imposuit.

§. XIII.

Sancti Felicis de Cantalicio obitus.

Bolland.
p. 106.
Papebroch.
t. 4. p. 205.
t. 7. p. 307.
col. 2.
Baill. vie des
Saints 18.
Maji.

Præterea Ecclesia hoc anno recolit
 mortem Felicis de Cantalicio, qui
 ex Ordine Patrum Capuccinorum, quos
 conversos appellant, Religiosus erat.
 Hic veterum Eremitarum, qui non nisi
 sylvestribus fructibus, herbisque admo-
 dum parce victitabant, vitas perlegens
 æquali abstinentia cælum promerendi,
 eosque imitandi desiderium conceperat:
 verum cum in hoc vitæ genere exerci-
 tatos Eremitas, quibus sese associare
 posset, haud reperiret, Patres Capu-
 cinos adiit, a quibus etiam ad eorum
 Cœnobium Civitatis-Ducalis in Um-
 bria admissus, habituque indutus sese
 solemni votorum sponsione Deo sacra-
 bat: ubi eleemosynas ostiatim collige-
 re iussus in hoc munere, quod aliis sæ-
 pe petra scandali est, ipse ad majorem
 vitæ perfectionem ascendendi media
 reperiēbat, nam assiduus in exercen-
 dis humilitatis operibus, plena omnium
 rerum alienatione, obedientia, chari-
 tate erga omnes, patientia, atque
 maximo erga Deum amore eximius eva-
 sit,